

DIVINAM
 PROTECTIONEM CONNUBIALEM,
 VIRO
 PEREXIMIO CLARISSIMO^q
 DN. M. MICHAELI
 SCHIRMERO,
 Gymnafij Freibergenfis CON-RECTORI
 longè meritiffimo, Collegæ olim fvaviffimo, & Amico
 fuo honoratiffimo,

Cum
 VIRGINE HONESTISSIMA ET PUDICISSIMA
 ANNA MAGDALENA
 HORNIA,

VIRI
 NOBILISSIMI, AMPLISSIMI ATq; EXPERIENTISSIMI
 DN. JOHANN: CASPARIS HORNII,
 Philofoph. & Med. Doctoris, Phyfici ibidem Ordinarij Primarij
 famigeratiffimi per dilectâ
 FILIA,

Ad diem 26. Novembris Anno 1661.

Hymenêja Fefta fauftis auspiciis celebranti,
 adprecatur

COLLEGIUM CONCIONATORIUM
 LIPSIENSE.

FREIBERGÆ,
 TYPIS BEUTHERI



A & Ω.



Ygdoniis fluxisse opibus, Lydiq; talentis,
Securove statu Samij exultasse Tyranni,
Et recreasse leves vario oblectamine mentes,
Præ reliquis ducunt hos terq; quaterq; beatos.
Sed sunt conatus digni meliore brabéo
Horum, qui forti contemnunt mente caduca

Et sortem lubricam miscentem adversa secundis,
Hoc Prudentis opus, nec opinio corda fefellit!

*Sir. cap. 6.
à v. 18. ad
finem.* Hinc, quem Pierios fama est gustasse liqvores,
Et vidisse Deas, quibus est custodia sacri

Fontis, & Eurotæ campos, ac Phocidis arva;

*à v. 11. ad
18.* Prætereaq; alias mentes constringere, præstat,
Jure sodalitiij, qui animæ pars altera nostræ,

Quod certè svadent rerum monumenta sacrarum.

Jucundos etenim prodit Sapiencia fructus,

Et quamvis radix sit amara satis, sed opimo

Fœnore post varios exantlatosq; labores

Tandem dat. Quid? quod potius similem quoque reddit

Humanam mentem Divinæ, cujus imago.

Nec cadit in talem mitis Sapiencia, lassus

Qui gremio ignavo palmas abscondit utrasq; ,

Nec qui perversâ pietati mente remisit

Nuncia: sed pectus peramat gnavumq; probumq; .

Ecquid, quæso, magis commendat Pagina Sacra ,

Et satagit gravibus verbis extollere, Amico

Inge-

M 14,

Ingenuum pectus constantis amoris habente,
In cuiusq; sinu potis es requiescere tutus,
Qui nocte atqve die curarum dulce levamen?

O Te Felicem, ac ex omni parte beatum,
Qui gaudes utroqve simul, CLARISSIME SPONSUS!
Euge tuis votis modò subscripsisse videtur
Coelum, ac Pegasidum Grex Tecum gaudia gaudet
Hâc pro sorte novâ. Sic nondum sufficit olim,
Quam Phyliréa dedit nitidam gestasse coronam,
Quâ dignatus eras, quia Te instigaverat ardor
Posthabitis, animum doctas coluisse per Artes,
Delitiis mundi, & superasse cacumina Pindi,
Castalidumq; undis, Mentem, Ora, Manusq; rigasse.
Ergò Friberga probè cognoscens arte Magistrum
Gymnasio patrio laturum commoda multa,
Unanimi voto Tibi scepra Magistra dederunt.
Sic operam cultumq; tuum Divina Potestas
Affecit precio digno, & Te plura manebunt.

Nunc offert iterum Tibi Patria digna brabéa
Pro meritis, fidum conjungens pectus Amicæ,
Ecquid in hâc reperis Sponsâ? pretiosa fodina!
Aurea si poterunt Urbs congerere æra monetae,
Thesaurosq; suos cumulare ex ductibus illis:
Pondus erit melius reverà nobilis auri,
Quod Speciosa fovet, nec spe Tu falleris inde.
Copia fulgentis nitidas flammæ vomit auri:
Eminet illa magis, divino prædita honore
Eximia frontis: faciem suffusa pudore,
In quâ ceu gemmæ radiant adamantina Virtus,
Simplicitas, pietas, & quæ bona maxima quæqve.

Hoc Sc H I R M E R E, fuit ratio, quare inclyta nostra
Pallas concipiat rursus nova gaudia Tecum:
Incidit in casses Tibi Virgo petita jugales,
Sic ut Cydippes concepit Acontius æstus,
Cui pomo sese devinxit in æde Dianæ:
Sic Tibi Virgo petita venit, quæ nata Parente
Cui suus Hippocrates labor, & sua cura Galenus,
Sæpe colos & pensa trium felicibus herbis
Exorans: Pietas quem tollit & arte politum
Pectus: Nec desunt Matri sua nomina laudis,
Cum, quæ sceminei sexus sint, dotibus aucta est:
Talia nobilium virtutum semina verè
Egregiè splendent in Sponsâ animisq; Parentum.

Muneris en! nostri memores Tibi fausta precamur;
Altipotens Numen tua sit Protectio semper,
Et vos unanimi concedat vivere lecto.
Annuat alma Trias, sit Marus aheneus atque.



DIVINAM
PROTECTIONEM CONNUBIALEM,

PEREXIMIO
DN. M. M.
SCHIR

Gymnafij Freiberg
longè meritiffimo, Colle
fuo hon

VIRGINE HONESTIS
ANNA MA
HOB

NOBILISSIMI, AMPLISS
DN. JOHANN: CA
Philosoph. & Med. Doctoris, I
famigeratif

COLLEGIUM C
LIPS

FREI
TYPIS B



LI

ORI

MA
NA

NII,
arij

M